

PRIJEDLOG !

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 97. a u vezi sa članom 55. i 104. Statuta općine Ilijaš ('Službene novine Kantona Sarajevo' br.20/09-prečišćeni tekst i 46/189), te članom 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10 i 18/15), Općinsko vijeće Ilijaš na svojoj ____ sjednici održanoj ____201__ godine, donosi :

O D L U K U

o povjeravanju na upravljanje i korištenje

Član 1.

Ovom Odlukom povjerava se na upravljanje i korištenje objekat „Filtersko postrojenje Sokolina-Srednje“, a koje se sastoji od : filterske stanice, taložnika, prostora za filterske jedinice i opremu, komandne sobe, prostora za hemikalije i taložnika otpadne vode, ukupnog kapaciteta postrojenja 15 l/s, izgrađen na parceli označenoj kao k.č. br. 878/1 upisan u Posjedovnom listu br. 23 posjednik KJP Sarajevo-šume d.o.o. Sarajevo i ZK ulošku br. 743, K.O. Srednje, u vlasništvu Državno vlasništvo sa udjelom 1/1, ukupne površine 406 m², Javnom komunalnom preduzeću „Vodostan“ d.o.o. Ilijaš.

Član 2.

Općina Ilijaš će investiciono-tehničku i finansijsku dokumentaciju predati Javnom komunalnom preduzeću „Vodostan“ d.o.o. Ilijaš, a zbog knjigovodstvenog evidentiranja vrijednosti imovine.

Član 3.

Javnom komunalno preduzeće „Vodostan“ d.o.o. Ilijaš dužno je objektom „Filtersko postrojenje Sokolina-Srednje“ upravljati pažnjom dobrog privrednika, te vršiti redovno tekuće i investiciono održavanje, te osiguranje objekta.

Član 4.

Objekat „Filtersko postrojenje Sokolina-Srednje“ povjerava se na upravljanje i korištenje Javnom komunalnom preduzeću „Vodostan“ d.o.o. Ilijaš, sve dok ne nastupe okolnosti zbog kojih bi isti morao biti vraćena u nadležnost Općine Ilijaš.

Član 4.

Odluka stupa na snagu danom donošenja, a naknadno će se objaviti u 'Službenim novinama Kantona Sarajevo'

Broj: 01 / 1- 02 – ____ / 1__
Ilijaš, ____201__god.

PREDSJEDAVAJUĆA
OPĆINSKOG VIJEĆA ILIJAŠ
Omerović Alma, BA nov.

OBRAZLOŽENJE

Pravni osnov za donošenje odredbama člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), kojim je propisano da Općinsko vijeće u okviru svojih nadležnosti, pored ostalog donosi i odluku o upravljanju i raspolaganju imovinom jedinice lokalne samouprave. Također, pravni osnov za donošenje navedene odluke nalazi se u član 97. Statuta Općine Ilijaš, koji je svojom odredbama propisao da je za sticanje, otuđivanje ili davanje u zakup imovine u vlasništvu Općine potrebna saglasnost Općinskog vijeća, a o čemu odlučuje Općinsko vijeće samostalno ili na prijedlog Općinskog načelnika. Odredbama navedenog člana također je propisano da se povjerenom imovinom u vlasništvu općine mora upravljati načelima dobrog domaćina.

U postupku pribavljanja odobrenja za građenje navedenog objekta Općina Ilijaš je pribavila saglasnost Ministarstva privrede Kantona Sarajevo br. 07-06-31-11252-2/18 od 10.09.2018. godine kojom je dozvoljeno od strane ovog Ministarstva, obzirom da je posjednik na navedenoj parceli JKP Sarajevo-šume d.o.o. Sarajevo, za uspostavljanje prava služnosti na navedenom zemljištu u skladu sa odredbama čl. 55 Zakona o šummama Kantona Sarajevo (Sl.novine KS br. 5/13) a u cilju izgradnje navedenog objekta.

Kako je JKP "Vodostan" Ilijaš preduzeće kome je Općina Ilijaš osnivač, a isto je registrovano za obavljanje djelatnosti "vodosnadbjevanje", to i predlažemo Općinskom vijeću da u skladu sa Poslovníkom Općinskog vijeća donese odluku kao u prijedlogu.

PREDLAGAČ

Općinski načelnik

Fazlić Akif, dipl.ecc.